

հանգէլագ կաղ և վայելել զմայրական ողորմութիւն մեծի կայսերուհոյն Այլ զանազան խնամս, զոր ածէ ի վերայ մերազնեայց, որք են ի կողմանդ այդմիկ, լուեալ մեր յոյժ զուարճացաք, իսկ և սկն ունիմք մինչև զբազուկ իւր տարածեսցէ առ յոլոր Հայաստան:

Դարձեալ կրկնապատիկ երանի բազմաշխատ տէրութեանդ, որ բանակալից ես ընդ մեծ իշխանին և աղօթող ըստ մեծի Ներսիսին, որ ի հնումն ժամանակի: Բայց վասն տարաբախտ վիճակին խմոյ, որ ոչ եղէ արժանի հաղորդել ընդ նմա առ ի կրել զվտանգս պատերազմաց, զորս տէրութիւնդ կրէ, ըստ ասութեան, ուր ոչ գոյ վտանգ մահու, անդ և ոչ գոյ փառք և պատիւ: Խոնհարական ողջոյն իմ մատուցիր նմա և զընհորակալութիւնս վասն խանդակաթ սիրոյ իւրոյ, որ առ հայս, մանաւանդ առ նուաստիս: Զի որպէս էր ի նախկին գրեցեալ թղթոցս մերոց, թէ որ ոք միանգամ լիցի առաջնորդ այսմ բարոյ՝ թէ ազնուական ոք իցէ և թէ իշխան, և թէ աղքատ ոք իցէ և թէ տնանկ, ևս նուաստս ծառայ հուստարթմ խօստովանեցայց զիս միշտ նորա, և աղօթող վասն նորա հանապաղ:

Թէւէտ ծերացեալ իսկ եմ, սակայն յօժար եմ հեղուլ զարիւն իմ ի ներքոյ ոտից առն աշնմիկ, որ կամիցի լինիլ հեղինակ այսմ բարի խորհրդոյս, զի մի ի մահճի մեռանիցիմ իբրև զփափկասուն կողածին, ըստ ասելոյ մեծի և բազ սպարապետին հայոց Մանուէլին: Ահա ասէ ի վերայ ազգիս Հայոց այսչափ վերս բնկայեալ է իմ, այժմ ցաւ է ինձ, զի մեռանիմ ի մահճի և ոչ ի պատերազմի (Նոր պատմութիւն, հատ. Ա, ծանօթութիւն Բ. գրոց, երես էճնԳ): Ուստի վա՛յ է ինձ, զի ոչ նմին մարմնով վիրաւորեցայ, այլև հոգով և մտօր: Քանզի երևի ինձ զի քրտնաջան աշխատանք իմ երեսնամեայ ի դերև ելանին: Որ նորոգ այսուհետև պարտիմք սպասել զարձեալ ամս ինչ ըստ բանի դերապայծառութեան քում, համապատասխանատութիւնս առնել մինչև ցօրն ցայն, երբ գրեցես նուաստիս, թէ ահա ժամ է և ժամանակ, ել և ել:

Սակայն ցաւիմ ի սրտէ և ոչ զիտեմ, թէ զինչ արարից վասն անդստին և բնական վազարկութեան ազգիս Հայոց, զրեթէ յոյժ անազան լիցի մեզ, մինչև կարօղասցուք առ ի զլուխ տանիլ զայս գործ: Եւ ջանք մեր իբրև զզողանջումն ցնծղայից, որք ունայնս յարեն ի յունկս յօղաց, և ծաղր և արհամարանք մարդկան, որք են ի չիւրաքանչիւր տեղեաց: Զայս ամենայն առթեալ եղև ի սաստիկ արծաթասիրութենէ, որ յաւետ ծանկայարեալ և բթացեալ պահմար զարկաթ, այսինքն զփափկակեցութիւն առաւել սիրեմք, քան զարիարար վարումն կենաց:

Արդ, որպիսի է այս, զի ոչ պատկառիմք երբէք, ըստ որում: Մարդ ի պատուի էր և ոչ չիմացաւ հաւասարեցաւ անաանոց անբանից և նմանեցաւ նոցա: Յաւելեալ ասեմ, զի յօրէ յայնմանէ յորմէ հետէ յախտնական փառացն արժանի տէր և կայսրն մեծն Պետրոս, որ կամեցաւ յօժար սրտիւ պաշտպանել զփոքր մասն Հայաստանեայց, նաև յորժամ թուղթ կամ նամակ հղէր առ ընչին հարիւրապետացն Արցախու (կամ ուզարշահանց) ինքնին ձեռամբ իւրով, խանդակաթ սիրով ստորագրէր զպատուական զանունն իւր, իբրև հասարակ ոմանց, նոյնպէս ողորմած թագուհիս այս ոչինչ պակաս երևի ի նմանէ խոնհարութեամբ:

Արդ, իսկ և յայնմ ժամանակի ոչ ոք գաւա ի յազգէն մերմէ յորդորել զհիւրայինս ի միաբանութիւն վասն ազնիւ գործոյս այսմիկ, որ էր օգուտ անձանց իւրեանց, այլ բնտրեցին հանգոյն հրէլից ի խաւարի տգիտութեան մնալ տեսելով: Ահա ճեղ օրինակ՝ սուտ ճէնէրայ Աղազարն, յորժամ դարձ արար ի Կիլիանայ և եկն ի յՈւռուստան, մեծն Պետրոս կամեցաւ կարգել զնա ի զօրս իբրև երեսուն հազարաց և առաքել ի Հայաստան: Իսկ նորա պատասխանի արարեալ արքային այսպէս՝ չպատկառելով թէ ինքն վաճառակաւ է և աշխ: Նմին իրի իւրայէլ դեսպանն, որ առաքեցաւ ի Սպահան առ շահ Սուլթան Հուսէյն արքայն Պարսից, նա իսկ յորժամ եկն բազում պարզեօք, ասէ ցնա թագաւորն, թէ զի՛նչ տեսիր յաշխարհին Պարսից կամ զի՛նչ բերիր ի թագաւորէ անտի: Պատասխանեաց Իւրայէլ, թէ քսան